

Vatanparvarlik timsollari

Toshkent soliq kollejida 2019 yil 26 aprel kuni "Maxsus fanlar" kafedrası tashabbusi bilan tashkil etilgan yurtimizning ikki buyuk sarkardasi Jaloliddin Manguberdi va Temur Maliklarning ona yurt, jonajon Vatan ozodligi yo'lida ko'rsatgan qahramonliklarini o'quvchilar ongiga singdirish orqali ularda vatanparvarlik tuyg'usini yanada yuksaltirish, yoshlar qalbida milliy g'urur, milliy iftixor tuyg'ularini shakllantirish ona Vatanga muhabbat, umumbashariy qadriyatlarga hurmat, insonparvarlik g'oyalariga sadoqat ruhida tarbiyalash, shuningdek, millatimiz tarixiga nisbatan hurmat ruhini oshirishga qaratilgan ma'naviy-ma'rifiy tadbir yuqori saviyada o'tkazildi. Unda filologiya fanlar nomzodi, Xalqaro "Antik dunyo" va "Turon" fanlar akademiyalarining akademigi, TIQXMMI matbuot kotibi Rahimboy Jumaniyozov hamda GIM fakulteti "Gumanitar fanlar" kafedrası assistenti Muqimov Bahriddinlar ishtirok etib mavzu yuzasidan o'z mulohazalarini bildirishdi.



"Maxsus fanlar" kafedrası bosh o'qituvchisi Saida Jumagaldieva va kafedrası jamoasiga Rahimboy aka o'zining samimiy minnatdorchiligini bildirdi. Kollej direktori Firdavs Hasanovich Tillaevning yosh soliqchilarning ta'limiy va tarbiyaviy jarayondagi yutuqlari ko'payishini tiladi. Ayni paytda R. Jumaniyozov kollejni bitkazuvchi talabalarga tahsilni muvaffaqiyatli tugatganlaridan so'ng institutimizga kelib qishloq xo'jaligi tizimida eng yetuk kadr bo'lib, el-yurt xizmatiga kamarbasta bo'lishlarini tilash asnosida ularni TIQXMMIga o'qishga taklif etdi. Tadbirda shu kollejning sobiq talabaları hozirda institutimizning peshqadam va iqtidorli talabaları ekanini ta'kidladi. Bitiruvchilarni kasbga yo'naltirish borasida ibratli maslahat va yo'l-yo'riqlarini bayon etdi.



Toshkent soliq kollejining sobiq o'quvchilari TIQXMMI talabaları "GM" fakulteti 107 - guruh talabasi Hasanov Azizbek, "SXTTE va B" 104 - guruh talabasi Isroilov Mansur, "QSXET" fakulteti 106 - guruh talabasi To'raev Sarvarlarni o'quvchi yoshlarga namuna sifatida tilga olib o'tdi. Tadbirda ularning ishtirok etayotgani ham ahamiyatli bo'ldi. O'quv ishlar bo'yicha direktor o'rinbosari Nurillo Bahromovich Roziqov tadbirni boshlab bergach, uni davom ettirgan Ma'naviyat va ma'rifat ishlar bo'yicha direktor o'rinbosari Dilshod Elmurodovich Eshboboev tadbirdagi ishtiroklari, yoshlarga vatanparvarlik tushunchalarini Jaloliddin Manguberdi va Temur Malik siymosida yoritib mufassal ma'lumot berganlari uchun ustozga samimiy rahmatlarini izhor etdilar. Dilshod Eshboboev kollej direktorining imzosi bilan tayyorlangan TASHAKKURNOMAlarni topshirar ekan barchaga omadlar tiladi. Bunday ma'rifiy tadbirlar suv buloq ko'zini ochgani kabi yoshlarning ongu shuuriga o'z ta'sirini o'tkazmasdan qolmasligi ayon. Tadbirda ishtirok etgan kollejning o'qituvchilari va 3-kurs o'quvchilari katta taassurotga ega bo'lishganini e'tirof etishdi.

"Gumanitar fanlar" kafedrasining assistenti B.Muqimov axboroti

Institut matbuot kotibi Rahimboy Jumaniyozov